

possint, integro tamen internè quoque sunt vsi. Ex aqua potum, venenatis fungis opponunt Dioscorides & Auicenna, *Li. 5. c. 74.* vomitum ciere dicunt, & latus alui tineas *Li. 2. tr. 2.* enecare, quanquam erodat, sitq; septicæ *cap. 170.* facultatis. Per superiora purgare Oribasius constituit, & sudorem mouentibus remedijs annumerat. An id ergo temerè hinc amādabimus? Antiquis cognitum fuit, medicoque, quo ipsis modo complacuit, acceptum. Recentiores illius, vt & aliorum plærorumq; parandorū aliam viam ingressi sunt. An ideo, ceu forent maiestatis læsæ rei, in litterarium ius, tanta acerbitate pertrahendi? Quotusquisq; Galeni sectatorum hoc ipso sæculo medicinam facturus, præsignatis remediiorum parandorum formulis tam stabit sanctè, vt nihil eorum vel mutet, vel rectæ rationis ductu mutandum existimet? Vt hætenus monstratum sit, quæ iam expendimus remedia, inter ea, quæ Chymici eximiè vsurpant facilè præcipua, à communi medicantium materia haudquaquam aliena esse.

CA: